



宛陵先生文集卷第十三

禁中瑞竹

和集英殿秋讌

帝禽

汴堤鶚

與王正仲飲

說與王正仲舍弟飲

紹巖上人寧親

送王殿丞

慈氏院假山

夜與隣幾歸

夢游嵩山

雪中聞宋中道

和江隣幾詠雪

送張遂州

送周寺丞宰新鄭

送余郎中知鄭州

送胡都官知潮州

送晏太祝之宣城監稅

送張正臣赴泰州幕 月下懷如晦宋中道

顧嘽

和司馬學士祀事

同蔡君謨江鄰幾觀

上元夜雪有感

上元雪

送李學士知廣安軍

送王推宰上洛

送信安張從事

送懷州張從事

目錄終

宛陵先生文集卷第十三

禁中瑞竹同本異莖

孤竹二君子聖人知獨清但將奇節並何用首陽名

依韻和集英殿秋宴

殿幄陳金石宮梧集鳳凰侍臣嚴虎帳法袞被龍章九穀初登稔群黎共樂康宴盤犀作鎮舞綴錦成行玉椀盛冰滑紗籠奏饌涼廡深容奈語槐密漏微陽庭立衛兼霍坐尊蕭與張清塵汲瑤井泛宇藹天香獸躍緣幢地旗開踏鞠場樓傳紅幘唱

簾隱內家粧。鷓鴣攫會無彈蜂來。悞有芳門傍銅鑄。
馬帝所翠爲觴。萬國趨王會。諸公佩水蒼螭頭。左
史筆。陛楯半更。卽雅著明時樂。需言盛德。光添花
幕平。一賜菊異元嘗身。已陪多士心寧媿。下鄉薄
才何所補。歌詠播殊疆。

啼禽

益爾未成絲。破袴勸可脫。安知增羞顏。赤脰衣短
褐。

汴堤鸞

古堤多長榆。落英鴉眼小。其下迅黃流。其上鳴黃

鳥。安知舟中人。黑鬢日已少。千里歸大梁。玉筍聞
聲窈。窈終朝不成曲。幽響在林表。莫羨沙路行。金鞭
馳裊裊。

四月二十七日與王正仲飲

我來自楚君自吳。相遇汎波銜舳舻。時時舉酒共
笑樂。莫問罌盎有與無。醉憶曩間吾永叔。倒冠落
佩來西都。是時豪快不顧俗。留守贈榼少尹俱高
吟。持去擁鼻學雅聞。付唱緜腰。嶽山更處儒漫側。
目洛下才子爭歸趨。自茲離散二十載。不復更有
一日娛。如今舊友已無幾。歲晚得子欣爲徒。

四月二十八日記與王正仲及舍弟飲

孟夏景苦長與子舟中飲酒行三四巡病嘔聊就
寢仲氏又夢霍洞下忽焉甚湯劑不能勝悶絕口
已噤我唯唯未平驚走豈遑枕叫號使呼醫子怪
亦莫論遽白何至斯葛方推小品且尤食物間膈
腥失調能所餉惟猶難況此之箇輩以子獨無恙
未必因滑滑稍覺陽脉回懷膚猶寒瘳儻其遂不
起也肯謂素稟吾知千里遙幸免成貝錦

紹巖上人寧親

爾教禁足不出戶盛夏畏踏螻蟻蹤赤日去省已

亡律曷若冠帶共甘濃

送許州知錄王殿丞

霜花如鵠毛萬里點枯槁曉入蓬池道寒侵蘇合
袍重來社櫟長舊寄里門高去事黃丞相無辭執
板勞

慈氏院假山

風濤春斷越山骨聚集竒除成千峯碧甕為潭立
涎石直疑崑底藏蛟龍

夜與鄰幾持國歸

紅塵夜不息橫衢若煙霧朝見車馬來暮見車馬

去車中目炯炯馬上情遽遽交相知是誰飛先無
覓處

十月晦夢游嵩山明日訪宋中道見次道
寄宿岳寺

忽夢嵩峯下同游失姓名山腰荒輦道崑崙落泉
聲黑石文難辨蒼苔蹟易成他時傳洛詠知是陸
雲兄

十一月七日雪中聞宋中道與其內祥源
觀燒香

三日不相見逢人問始知同車侵朔雪臨水拜靈
龜絮撲鴛鴦帶花團蛺蝶枝如何東郭叟足迹自
穿綦

和江鄰幾詠雪二十韻

十一月將雪寒誰計有無雲橫凍鵬翼霰集泣蛟
珠萬里風爲使千門玉作樞縞衣來自鄭濤鷺卷
從吳積甲聞熊耳觀鵝入越都庭槐高臃腫屋蓋
素模胡騁巧能藏醜論功解飾枯巢禽皆白鳳來
獸必騶虞遼俗休誇豕燕丹久望烏袒裘無壯臂
附火念焦臚歌竹休王滿餐毛活使蘇公羊何可
問別鶴不應孤靡密同脂網縈回似舞姝漸深由

片片取重本銖銖日月方收照乾坤不辨隅雖輕
自相壓更絜亦終渝飢虎僵幽谷游龍脫勁鬚佳
人調蜜蔗公子擁貂狐共是空囊客曾非暖席儒
黃昏特過我興與灞陵俱

送張遂州

華省名郎意若西相如橋柱舊曾題已將符節爲
邦守不畏關山入馬蹄千里過秦看素漣三年還
蜀度青泥里門錦綬何爲樂外奉嚴君內阿婆

送周寺丞宰新鄭

仲冬吉徂征曉日在環玦京水生層冰梅山見殘

雪縣庭槐已古堂壁碑未缺惟吾故交意贈子以

爲別

尹師魯有古堂記

送余郎中知鄭州

西接都門繞百里墜城殘雪照牙旗風煙古是諸
侯國鴈鷺新來僕射陂餽食且依當日具鑄刑無
改昔人爲濃薰舊舍青綾被不越常衙睡足時

送胡都官知潮州

自昔揭陽郡刺史惟韓侯韓侯初來時問吏瀧水
頭到官諭鱷魚夜失風雨湫乃知抱正直異類尚
聽謀潮雖處南粵禮義無遐陬勿言古殊今唯在

政教脩適聞豫章士勇往登犀舟不畏惡溪惡壘
鼓齊歌謳遠持天子命水物當自囚更尋賢侯跡
書上揭陽樓

送晏太祝之宣城監稅

每凌昭亭傍清灘石可數兩岸脩竹林孤城嚴晚
鼓自辨越人言難屢楚鄉語郭門春聚船江賈無
多取

送張正臣赴泰州幕

敲冰冰未泮塞河流玉段輕舸莫言遲古城滄海
畔春臯蘭蕙茁晚井魚鰕亂時平無羽書此樂異

王粲

月下懷裴如晦宋中道

九陌無人行寒月淨如水洗然天宇空玉井東南
起我馬卧我庭帖帖垂頸耳霜花滿黑鬣安欲致
千里我僕寢我寢相背肖兩已夜深忽驚魘呼若
中流矢是時興我懷顧影行月底唯影與月光舉
止無猜毀吾交有裴宋心意月影比尋常同語
默肯問世俗子

頤嘯

上辛祈穀
為獻官

猛虎不獨宿鴛鴦不雙棲虞舜游蒼梧帝子夜向

瀟湘啼時既禪禹妃亦老老淚洒竹無高低流根
及筍駁紅蘇此情乃與天地齊我今齋寢泰壇下
侘傺願噫朱顏妻

和司馬學士上辛祀事出郊寄馮學士

侵曉度南薰禁鐘猶可聞春郊微有霰上苑稍藏雲
齋館人相望官橋路已分寧同鳥鳥樂翔集自成
群

同蔡君謨江鄰幾觀宋中道書畫

君謨善書能別書宣獻家藏天下無宣獻既歿二
子立漆匣甲乙收盈厨鍾王真蹟尚可觀歐褚遺

墨非因模開元大曆名流夥一一丰澤存有餘行
草楷正大小異點畫勁宛精神殊坐中鄰幾素近
視最辨纖悉時驚吁逡巡蔡侯得所得索研鋪紙
總須史一掃一幅太快捷檀溪躍過瘦的顛觀書
七畢復觀畫數軸江吳種稻圖稻苗秧秧水拍拍
群鷺矯翼人荷鋤陟塍高下石籠密竹樹叅倚荆
籬踈大車立輪轉流急小犢欺顧稚子驅令人頻
有故鄉念春事况及鷲桑初虎頭將軍畫列女二
十餘子拖裙裾許穆夫人尤窈窕因誦載馳誠起
余余無書性無口區美人雖見身老癯舉頭事事

不稱意不如倒盡君酒壺

上元夜雪有感

去年昭亭陽今夜苦風雪及雪在京城宵燈亦將滅
石花廣袖輕梅蕊新粧絮忽忽競還家陌上亂車轍

上元雪

春雪如蝴蝶春燈如百花漫漫飛不已愁殺千萬家
我今無復夢擁被讀南華

送李才元學士知廣安軍

楊柳未堪折柔條時倚風朱輪過灞上杜宇響襄

中危棧憎春雨晴林發曉紅不須言蜀政當自學
文翁

送王推官宰上洛先歸關中

跨馬獨歸日春風隨度關客裘將欲綻社燕亦同還
洛水源邊邑秦人隱處山君家有鳧舄切莫向雲間

送信安張從事吉甫兼寄白使君

西洛故人少世家今亦稀
君能及祿過我苦言歸
游宦長城下生涯舊國微
使君應借問出處竟多違

送懷州張從事仲賓

行色在車馬西亭新雨過移家從上黨
仗幙向三河皂莢林初暗黃梁酒未和
七賢無復有舊迹尚應多

宛陵先生文集卷第十三

宛陵先生文集目錄卷第十四

和李廷老會飲

江鄰幾邀飲定力院

送中道省親

寄西京宋學士

送晁殿丞

重送宋中道

送何鬲主簿

和求叔見寄

送馬察院

送和州杜駕部

送廣德劉郎中

送洛南周寺丞

賦石昌言括蒼石屏

代寄致仕張郎中

送錢駕部知邛州

文惠師贈新筍

目錄

宛陵先生文集卷第十四

和李廷老家會飲

四序豈常停寒革春浸和始愛衣裘輕相與車馬
過車馬不畏遠風埃不畏多到門門有槐槐上時
鳥歌時鳥歌猶澁主人當謂何南開石榴軒中置
飲酒羸食按施黃金饌炙厭白鵝漢槽槎頭美吳
羹成咄呵既醉或放言挾莊引駘它縱論或好辯
排墨同孟軻日將薄虞淵執策相交摩欲去舉大
白酌我苦大苛

正月二十七日江鄰幾杜稔之劉原甫貢

甫韓持國邀飲於定力院

昨日會飲我後至誰欲比我為王戎笑知卿輩
易敗起謂便與俗物同似過黃公酒壚下嵇阮不
見脩竹中杳爾山河隔千里此心正有古人風

送宋中道朝陵仍於西都省親

西出虎牢關南瞻園廟戟漢殿拜衣冠魏臺嚴帳
帟春風石闕冷曉氣田塗白早晚下朱陵先過洛
陽陌

寄西京通判宋次道學士

當時交友都無幾欲問懽娛亦異今花接上林新
木變水分清洛舊池深峨嵋高色雲常在窈窕宮
墻草又侵脩竹千竿白家寺昔年題處可能尋

送晁殿丞鄭州簽判

朝離沁水上夕去野亭賒走馬日銜樹度河風卷
沙關雲來雨脚陂岸長蒲芽共被方為樂軍中莫
摻搆

重送宋中道

隴草陳根發山櫻宿霧蒸將過周故宅先下漢諸
陵穎道春經雨官溝暗溜水蕪羹休定價羊酪易
為勝

送涇州良原何鬲主簿

春風入邊磧二月沙草生胡馬自偷牧漢農寧廢
耕薄田刈晚穀又餉防秋兵縣版固當重調輕無
與程

依韻和永祚見寄

春風約柳一片西欲託鳥翼傳音稽昨朝偶向東
城去草草又逢驄馬蹄長髯御史威正峭沙堤來
坐氣吐霓我乘小駟雖甚瘦喜見驂馭猶解嘶適
聞南都接大尹笑我出處今何迷恥趨捷徑身已老
欲上何用頻吹葢蛟龍失水等蚯蚓鱗角雖有辱

在泥困居廢并誰引手豈得更望青雲梯筆鋒勁
發若強努餘力曾徹七重犀倦禽雄雌不飽腹日
暮徒念還巢棲大椿朝菌各有盡此物何怪莊叟
齊誠知豪俠自快樂東郊南陌競鬪雞曾中有道
無廣狹包括宇宙在一梯何時與公去穎尾湖水
漫漫如玻璃世間會合固不易况乃仕宦多相睽
正似郵亭戀行者未到止息空歌驪我貧尚不給
朝夕焉得負郭置稻畦筋骸幸且稍輕健山水縱
好無路躋儻公他時買田宅願以藜杖從招携吾
兒詩書不足教亦以助力於耕犁

東城送運判馬察院

春風騁巧如翦刀先裁楊柳後杏桃園尖作瓣得
踈密顏色又染燕脂牢黃鸝未鳴鳩欲雨深園靜
墅聲嗷嗷後徒開汴前日放亦將決水歸河槽都
人傾望若焦渴寒食已近溝已淘何當黃流與雨
至雨深一尺水一篙都水御史亦即喜日夜順疾
回輕舫頻年吳楚歲苦旱一稔未足生脂膏吾願
取之勿求美窮鳥困獸易遷逃我今出城勤送子
沾酒不惜典弊袍數途必向睢陽去太傅大尹皆
芟豪試乞二公評我說萬分豈不益一毛國給民
蘇自有暇東園乃可資遊遨

送知和州杜駕部

桐花欲開時群囀爭哺兒但求黃口飲焉問丹穴
飢常山有四鳥將飛昔已悲中間勿殞逝豈得安
其技一飲必屢顧每啄必遲遲今朝竟矯翼去向
江之湄銜芹不自食欲遺孤與雌此義實已重莫
為臬所嗤世俗多嫌忌我胡為此詩此詩美孝悌
持贈杜挺之

送劉郎中知廣德軍

昔在少年時辛勤事諸父諸父為桃州物宜皆可

數事君勤職貢采名先穀雨劭農井田桑科薈重
鋤斧城西大靈祠措意初似禹將通吳境河身自
同豕伍期婦來餉時壇上必鳴鼓一為烏所誤愧
恨去不覩至今存遺堤五丈立堅土正如開轆轤
黃能慙啓媿功利欲及民血食宜簋簠祠後有高
山山頭攢棟宇此實諸父為禾麻可就俯歲登有
樂事或亦作歌舞賦詩當清明解襍思洛浦其言
在黑石往往被樂府于今三十年追想漸成古公
將乘朱輪去問民疾苦治術自有具薄言無所補
共得陳迹書又且劇莽鹵

送洛南周寺丞

家在華山

將去洛南宰日聞庭下松亂山崑四隱舊壘隔三
峯狹谷車能入春林雨易逢地多耕與漆貨必厚
於農

賦石昌言括蒼石屏

括蒼黃石屏樹如濃墨寫根深稱條葉生意絕蕭
洒或聞造物手立意先真假指是龜漫摹能同自
然者天下莫復言物亦逢知寡

寄致仕張郎中代人

門榮世羨高天下身退心閑住洛陽畫鶴能同薛

少保愛書還比蔡中郎花陰小酌呼隣父月下清
吟掃石床不問從來生計薄題籤盈閣是家藏

送錢駕部知邛州

細雨梅初熟輕寒麥已秋路危趨劍道夢穩過刀
州秦粟非吳食巴粳類越疇當壚無復舊試似長
卿求

文惠師贈新筍

劉累死龍不馴世間士不識真有真物實去人或
在山亦隱鱗或多絲出水瀆奮雷轟轟萬里春厚
土亦裂窮執豈振牙甲戢戢不可數削掘誰怕天公
嗔煮之按酒美如玉甘脆入齒饒流津荆吳易得
梁宋少二年不食思無因豈意今朝忽有遺不忍
獨饗呼吾鄰

宛陵先生文集卷第十四

宛陵先生文集目錄卷第十五

觀何君寶畫

送任太博歸省

送張學士知洪州

觀楊之美畫

李審言遺酒

送邵郎中知潭州

送楊叔恬

送洪州倅何太博

見賣瓠者

和鄰幾景德避暑

送趙諫議知徐州

送邵戶曹隨侍

哭韓舍人五首

高平公挽歌三首

歐陽郡太君挽歌

和石昌言求筆

邃隱堂

讀水叔撰薛雲衛碣

和昌言蜀牋答松管

送楊叔武廣南招安

走筆戲邵興宗

送李中舍宰南鄭

送王察推之鄧州

戲酬高負外鯽魚

送何學士知漢州

和達觀師聞蟬

和杜相公謝蔡君謨茶

和接花

送石昌言學士

書南事

送吳都官還江南

馮子都詩并序

赴庾直有懷

采茨

史氏南軒

送陳脩撰

和寄宣州廣教文鑿師

送陸學士泰州倅

送徐祕丞知梁山軍

和秋夕對月

宛陵先生文集卷第十五

觀何君寶畫

燕馬易畫，吳牛難圖。馬骨隱細，牛骨麓馬毛。安密
牛毛，疎麓，疎必辨別，細密多模胡。乃知戴嵩筆能
出韓幹，徒幹馬精神在。韁勒嵩牛怒，聞無牽拘。昨
日何家觀小軸，絹雖破爛色不渝。二頭相觸角競
倚前脚如跪，後脚舒尾株。榻直脊脊，脊感筋力寫盡
蹄腕，殊一勝一敗。又苦似勝者，狠逐敗者趨。卷窮
赤印置小字，置字乃是陶尚書。尚書國初人，愛畫
收幾厨。買時不惜金，與帛帛載羊車。錢載驢，後世

兒孫不能保賣人窮市無須更凡目矜新不重故
千錢酬直皆咲愚四牛遂為何氏有裝背入眼天
下無坐中吾儕趣已異又喜玄女傳兵符此本實
稱閻令畫下筆簡細容顏姝三人鬼狀一牛首八
女二十美丈夫黃帝中間蔭葩盖霞扇錯玳旌擁
朱冠服難知歲月遠但見儀衛森清都復觀鹿臺
獨夫受妲已不笑何由娛酒池內林騎行爲剖心
斫脰堪悲吁數幅吳王宴西子綵舟張樂當姑蘇
宮娥數百簇高下鬢髻一一紅芙蓉危峯細浪得
平遠前對洞庭傍大湖商紂夫差可垂誠歷世傳
玩叅盤孟鵬鷹草木不足記特詠此事心何如

送任太博歸省西都

人言少保持家謹載見西京萬石君子舍今歸浣
裙切里門重戒下車勤田園一一能為計僮僕新
訢亦有聞我負洛陽山水久試因行色寄嵩雲

送少卿張學士知洪州

朱旗畫舸一百尺五月長江水拍天穩去先應望
廬岳暫來誰復見龍泉閣經吏部重為記山識吳
王舊鑄錢往迹可尋軍士少贖書遺逸附青編

觀楊之美畫

天官乘車建朱旗赤幡前亞風卷披二龍緩駕蒼
鬃垂印箱傍挈文籍隨雙驂推軌如畏遲行從冠
服多威儀水官自有真龍騎兩佐並跨鯨尾螭步
趨羣吏怪眼眉雲生海面無端涯雷部處上相與期
人身獸爪負鼓馳後有同類挾且提次執電鏡風
囊吹青虵有角魚足鬚上下引導神所施地官既
失不可知此畫傳是闔令為設色鮮潤筆法奇絹
理膩滑雞子皮吳生龍王多裂隳八軸展玩忘晨
炊李成山水曉景移黃荃花竹雀擁枝韓幹馬本
摸搭時神駿都失存毫釐日高腹枵眼皆眇邂逅
獲見何言疲厚謝主翁意不衰他日飽日看無遺

李審言遺酒

大梁美酒斗千錢欲飲常被飢寒煎經時一滴不
入口漱齒費盡華池泉昨日靈昌兵吏至跪壺曾不
候報箋赤泥圻封傾瓦盎毋妻共嘗婢流涎隣家
葡萄未結子引蔓垂過高墻巔當街賣香已黃熟
獨堆百顆充盤筵老年牙疎不喜肉况乃下箸無
腥膻空腸易醉忽酩酊倒頭夢到上帝前賜臣蒼
龍跨入月不意正值姮娥眠無人采顧傍玉兔便
取作腊下九天拔毛為筆筆如椽狂吟一掃一百篇

其間長句寄東郡東郡太守終始賢切莫汲竭滑
公并留釀此醕時我傳

送邵郎中知潭州

張鏡疊吹洞庭外緣虎帶刀蠻帥迎且諭漢家綏
撫厚莫言湘守事權輕木奴洲近霜包熟班竹林
昏野鳥鳴賈誼宅邊寒井在暫留于騎漱餘清

送楊杜恬應北京辟

昔時見子死丘下丞相待子知子賢子於文字實
廣博海客謾估珠盈舩欲賣明月一寸魄雖豪木
有售以錢通都大邑忽辨寶直取不犯驪龍涎遂

作照乘物矜夸魏人前從茲十二車光彩生從先

送洪州通判何太博若谷先婦新塗

拜官江上客乘馬不乘舩獨畏蛟龍浪將婦風雨
天葛花侵野徑源水入腴田君住巴丘下西山道
路連

五月七日見賣瓠者

老圃奪天時馬通為煦嫗四月彼種瓜五月此賣
瓠陽陂與糞壤功力且異趣瓜遲瓠何早豈不同
雨露速利乃在人爭先無晚暮

和江鄰幾景德寺避暑

埤蟻不應雨鳴鳶不生風鬱氣若甑炊初陽如火
紅裸膚汗交流脂體膏將鎔龍頭費挹酌犢臯強
遮蒙常畏俗物來去避青蓮宮廣堂鋪琉璃高簷
蔭梧桐廊壁畫地獄獄具鑊鋸吞鐵城何熾熾鐵
床亦彤彤誰知炮烙死活間傳自西域黃面翁正
類人世苦此熱聲利役使亡西東京師貴貨幾椽
舍窮煎相似聒欲聾屋頭朝變作飲食枕底夕艾
驅蚊蟲宜爾近巷江夫子賦詩特壓塵土中

送趙諫議知徐州

及

鹿車幾兩馬幾匹軫建朱幡騎鼓弓雨過短亭雲
斷續鶯啼高柳路西東呂梁水注千尋險大澤龍
歸萬古空莫問前朝張僕射毬場細草綠蒙蒙

送邵戶曹隨侍之長沙

青袍會稽掾采服湘江行水館魚方羨犀舟枕自
清鷓鴣啼欲雨蟬竦見還晴風土雖卑濕醇醪可
養生

晨起裴吳二直講過門云鳳閣韓舍人物
故作五章以哭之

平生交友淚又哭寢門前魯叟不言命楚人空問
天月沉滄海底星隕太微邊莫恨終埋沒文章自

可傳

使虜嘗專對江湖謫幾年始看還近侍遽此隔重泉
沃酒酒空滿託詞詞謾傳視予猶手足莫怪獨
潸然

筭數曾無據仁人亦莫聞狼愚多至老蘭桂苦先
焚不竟千秋恨還如萬里分臨風一號慟易散日
邊雲

昔時賓宴地今見總幃遮棲室那因鵬從孟不為
虵曾無越人術竟起漢臣嗟明日東城陌悲涼後
部笳

曉陌行車過交相歎且驚荀龍聞一蛭穆駿失全
鳴不復中書直空餘左史成緒言猶在耳尚想見
平生

聞高平公殂謝述哀感舊以助挽歌三首
文章與功業有志不能成嘗以濟高位終然屈大
名遺風猶可見逝水更無情崑上青烏壠韓城苦
霧平

京洛同逃酒單袍跨馬歸明朝各相笑此分不為
稀公既參鑪冶子將事蕨薇悲哀無以報有涕向
風揮

一出屢更郡人皆望酒壺俗情難可學奏記向來
無貧賤常甘分崇高不解諛雖然門館隔泣與衆
人俱

歐陽郡太君挽歌二首

夫人有賢子往歲謫夷陵欲使無愁鬱怡然見寢
興外詞陽磊磊內畏實兢兢濟壽復終貴共為時
所稱

當時丈人歿雖少守孤兒以及成名譽何嘗厭疾
藜暮年終饗福陰隲不應欺莫使碧江上獨傳陶
母碑

依韻和石昌言學士求鼠鬚筆之什鼠鬚
鼠尾者前遺君謨今以松管代贈

江南飛鼠拔長尾勁健頗勝中山毫其間又有蒼
鼠鬚入用不數南雞毛二物緩急豈常獲捕刺徒
爾操蠶刀舊歲已贈蔡夫子報君松管何蕭騷

邃隱堂

大梁車馬地塵土飛百尺賢愚走其間朝暮不見
迹北望天波門垣垣宗室宅宗室令王孫愛書輕
玉帛華宇何深沉但聞列圖籍曲房有窈窕空自
事眉額體胖生粹如安石處崑石古來為善樂豈

以歌鍾適

讀未舛所撰薛雲衛碣

文章如塗金光彩發美器所宜玉石間模寫傳千
祀堅堅孝子心森森栢庭闕豈與石麒麟原傍闢
蒼翠

和石昌言以蜀牋南牋答松管之什

蠻牋抽轉龍鱗細秋兔束毫雞距尖楊子校經聊
以贈蜀麻江楮報何嫌

赤蟻辭送楊舛武廣南招安

南方赤蟻大若象潛荒穴洞人莫逢天公合雨不
決雨從橫亂出將自封侵壘凌壤壞城市戰鬪億
倍南柯雄掌聞穿山食此物此物既大非常凶張
舌流涎莫可餌枉啄不怕長戈舂今令智者以智
取即見蜮醢傳太宮因而使知禍福理天子下令
雲從龍

走筆戲邵興宗

子魚一尾不曾有又諾毗陵蒼鼠毫細粒吳粳誰
下咽尖頭越管底能操

送李中舍襲之宰南鄭

莫門襲中道路難襄陽直上幾重灘蒼煙古栢漢

高廟落日荒茅韓信壇出水槎頭一絲挂穿虹雨
脚兩橋殘土風大抵如南國期會先時俗自安

送王察推纘之鄧州

昔向南陽憶洛陽秋橙初熟半林黃車過白水沙
痕闊鴈落鉗盧稻穰長廢壘漢碑金刻字古原秦
冢石為羊太平羽檄何曾有賓主相歡菊薦觴

戲酬高負外鯽魚

天池鯽魚長一尺鱗光鬣動楊枝磔西城隱吏江
東客書日馳來奪炎赫冷氣射屋汗收額便教斫
膾傾大白我所共樂仲與伯羨君赴約笑啞啞持

扇已見飛鸞翮欲往從之雲霧隔

送何濟川學士知漢州

丞相初得君有志重儒術乃言天下士徒此占清
秩遂懲衒鬻人忝冒十八七進君天祿閣此衆為
第一又薦王張韓恬可與君匹吾儕宜慙羞空自
預朝鞞欲歸無田園強住枉歲日值君乘高軒西
望函谷出當時迎長卿書史傳未悉車馳及襁負
千萬今可詰老農喜君來田租不安率織婦喜君
來縑機當俟畢府胥喜君來潛責去暴扶疾苦無
不求前人唯法律書錦榮既浮康民美方溢真為

丈夫志豈是名過實

依韻和達觀師聞蟬

飲餘晨露吸餘風
噪遍高枝為俗聲
欲比伯夷清已甚
不食周粟腹常空

依韻和杜相公謝蔡君謨寄茶

天子歲嘗龍焙茶
茶官催摘兩前牙
團香已入中都府
鬪品爭傳太傅家
小石冷泉留早味
紫泥新品泛春華
吳中內史才多少
從此純羹不足誇

依韻和接花

唯是園人巧非關元化偏
折條違物理遷艷得花

權羨女嫁寒壻醜
株生極妍世間多
妾合吾不謂之然

送石昌言學士

混混拍堤瓜蔓水
軒軒街尾挂檣船
使君東下只朝夕
父老走迎無後先
古堞秋耕拾銅鏃
長淮瀑雨入壕蓮
鳴猿舞鶴仍持去
不憶承明夜直眠

書南事

大梁國南門駟騎方騰趨
波波一何急
蠻寇圍番禺
番禺本無備
前賴魏大夫
大夫築子城
今得守以須
兵雖不滿萬
閉壁堪指呼
老幼轉木石
壯健

操矛弧廩庫得以完日月不易圖城中舊無井魏
鑿安輓轆魏由飛語去不使立外郭古稱時有待
淺薄皆謂紆曲突與爛額看取報功殊

送吳照鄰都官還江南

霜前江水磨碧銅岸背菱葉翹赤蟲吳郎鬢絲蒼
幾縷不羞月上扶桑東羞見清波照人影去時黑
髮吹春風五年歸來婦應喜從此不問西飛鴻

馮子都詩并序

漢霍光愛幸監奴馮子都與梁冀嬖奴秦官事相
對唐李賀作秦官長辭亦云子都當時已有詩予

因補之

黃金畫車屋韋絮綠車輪牽以五采絲藉以刺繡
茵出入長信宮晝夜將誰親所親美且少玉頰丹
砂脣殷羅縫輕襦明珠攢緇巾半醉臥車中侍婢
躡行塵憶昔廣明亭將軍愛怜頻便房不使殉易
寵在茲辰嗣侯喜驅逐平樂多從賓青絲穿五銖
累室貯百珍歡與子都異矯與子都均用財糞土
擲吐氣日月跋天地可齊久禍患豈有因秋風茂
陵下蒼蘚上麒麟

七月十六日赴庾直有懷

白日落我前明月隨我後流光如有情徘徊上高
柳高柳對寢亭風影亂踈牖我馬臥其傍我僕倦
肘窸窣重門扃獨念家中婦乳下兩小兒夜夜
啼向母問爺若箇邊天性已見厚不嗟羈枕孤不
愧棲禽偶內有子相意外有月相守何似長征人
沙塵聽刁斗

采芡

蝟毛蒼蒼磔不死銅盤轟轟釘頭生吳雞鬪敗絳
幘碎海蚌出真珠明磨沙漉水葦殼滑斫桂煮
釜風波聲齒如編貝嚼明月曼倩不復飢腸鳴莫

論一斛貴與賤堂上狼籍無由行

史氏南軒

庭中碧石盃上結三重山飛光入酒盃舞翠生鬢
鬟竹林眠黃麀莎徑欠白鷗主人無倦情窓戶不
須關

送河北轉運使陳修撰學士

河隍多宿兵兵食固所須幸時不戰鬪畜養安可
無古興十萬師七十萬家輟耕鋤今來歲調餉且
與往昔殊不使民轉輓但使民歸祖急緩實塞下
商賈以利趨關西河東亦如此軍食雖足民費虛

公乎抱長才當有所畫謨應不貸內府重錦象牙
明月珠邊城預自足寧待臨帑輸莫令稱庭臣為
言桑大夫

奉和寄宣州廣教文監師

秋池對門蓮子枯野壁剝月蝸涎塗庭中兩株古
楠樹上有山鳥長相呼當時聯巢接飛者一落梁
宋一海隅扶桑日枝幾千尺光彩不獨生陽烏

送陸介夫學士通判秦州

從來戎馬地饗士日椎牛介胄奉儒服詩書參將
謀隴雲連塞起渭水入關流豈似瀛洲下窮年事

校讎

送徐君章祕丞知梁山軍

蒼壁東江流孤軍水上頭蛟龍驚鼓角雲霧裊衣
裘午市巴姑集危灘楚客愁使君才筆健當似白
忠州

依韻和秋夜對月

陳王苑裏望空虛吳客風前憶具區橫閣漸看河
影轉繞枝還見鵲驚無蟲催織婦機成素露逼鮫人
淚作珠才比陶潛無用處紗巾時任酒沾濡

宛陵先生文集卷第十五

卷十五

三



